

Lis kontwòl preparasyon pou kindègadenn



Konpetans lang, konpetans lekti ak ekriti

- Timoun nan rekonèt tout lèt yo, li ka di non yo (majiskil e miniskil), li ka di son lèt yo.
- Li ret tande istwa (y ap li pou li) avèk atansyon.
- Li reponn késyon yo poze l sou istwa a (ki moun, ki sa, ki lè, ki kote, epi ki jan).
- Li gade de twa foto apre sa li rakonte yon istwa dapre foto yo.
- Li fè rim epi li chache mo ak son ki rime.
- Li pale klè epi li fè sa avèk fraz ki konplè.
- Granmoun ki konn timoun nan ak granmoun ki pa konnen l konprann langaj li.
- Li sèvi ak tan fiti; paregzanp: "Grann pral vini."
- Li kapab di pwòp non pa l ak adrès li.
- Li kapab suiv kòmann ki gen 2 etap, 3 etap.



Premye konpetans matematik

- Li konprann korespondans ki genyen ant chif yo youn pa youn lè I ap konte.
- Li konte de 1 a 15 epi li rekonèt non chif yo ak nimewo yo.
- Li konpare 2 gwoup bagay pou li deside si yo egal oubyen si yon gwoup gen plis oswa mwens.
- Li rekonèt koulè debaz yo ak fòm nòmal yo.
- Li kapab triye bagay ki menm selon koulè, selon gwochè, selon fòm.
- Li kapab kopye yon triyang ak lòt fòm jeyometrik.



Konpetans konesans



Konpetans sosyal

- Li respekte afè lòt moun, li respekte santiman lòt moun.
- Li kontinye fè yon aktivite jouk aktivite a fini.
- Li sèvi ak pawòl pou li rezoud pwoblèm oswa kont.
- Li vle fè zanmi li plezi epi li vle pou l tankou zanmi li.
- Li renmen chante, li renmen danse, li renmen fè teyat.
- Li konnen gen moun ki fi genyen ki gason.
- Li kapab rekonèt sa ki vre ak sa moun imajine.
- Li montre li gen plis endepandans.



Ladrès fizik

- Li ka kanpe sou yon sèl pye pandan 10 segonn oswa pandan pi lontan.
- Li ka ponpe sou yon pye e li kab deplase sou yon pye.
- Li ka sèvi ak yon fouchèt oswa yon kiyè.
- Li ka al nan twalèt poukont li.
- Li ka balanse, li ka grenpe bagay.



ANN PARE N pou n al nan jadendanfan

Pou Fanmi

Èske w te konnen gras a esperyans chak jou paran ka ranfòse lyen yo genyen ak ptit yo pou ede yo devlope sèvo yo, ede yo devlope ladrès ki enpòtan nan lang, nan matematik, nan lekti ak ladrès sosyo-emosyonèl?

Men kèk konsèy pou ede w epi pou ede ptit ou nan aktivite nou chak jou - nan kèlkeswa lang ou santi ou alèz pou w pale lakay ou. Plis ou kominike ak ptit ou pandan moman nou pase ansanm chak jou, se plis w ap prepare ptit ou pou l reyisi!



Konsèy pou devlope konpetans lang

- Bay esperyans yo non epi dekri yo pandan y ap fèt.
 - Poze kesyon ki pa gen yon sèl repons kote repons lan se pa "wi", "non" oswa lòt repons yon sèl mo.
 - Poze kesyon ki kòmanse ak "ki jan" epi ak "pou ki sa" epi kontinye apati sa pitit ou di.
 - Fè echanj konvèsasyon ale vini san rete avèk pitit ou.
-



Konsèy pou devlope ladrès nan desen ak ekriti

- Bay pitit ou materyèl pou li ekri epi ankouraje li itilize yo.
 - Kite pitit ou ekri nan pwòp fason pa li, kite li fè majigridi, kite li fè desen oswa fòm ki sanble ak lèt. Pa enkyete w de òtograf pou kounye a.
 - Ankouraje pitit ou desinen yon foto pou ede li esprime yon ide.
 - Bay pitit ou opòtinite pou li aprann ekri non li ak siyati li.
-



Konsèy pou devlope ladrès preparasyon lekti

- Bati yon orè pou tout fanmi an fè lekti oswa mete yon lè pou ou menm ak pitit ou chita li ansanm.
- Kite pitit ou kenbe liv la pandan li ap vire paj yo epi li ap dekri sa li wè.
- Li menm liv yo plizyè fwa.
- Pale de logo ak ansèy nou abitye wè lè nou soti, tankou McDonalds, Nike, ak yon pano estòp (STOP.)
- Fè egzèsis resite epi idantifye non lèt yo ak son lèt yo.
- Amize nou ak mo ki rime.



Konsèy pou devlope konpetans matematik

- Bay piti ou anpil okazyon pou I konte, pou I fè klasman avèk bagay tankou pyès monnen, fèy bwa oswa blòk.
 - Site non tout fòm nòmal nou jwenn nan alantou nou epi dekri yo.
 - Fè egzèsis idantifye nimewo yo epi matche yo avèk kantite yo reprezante.
 - Sèvi avèk objè nou itilize chak jou pou n konpare kantite, konpare gwosè, konpare volim.
 - Jwe jwèt matche bagay.
-



Konsèy pou devlope ladrès swen pèsonèl

- Ankouraje pitit ou chwazi rad li, ankouraje I abiye pou kont li.
 - Kite pitit ou sèvi ak twalèt la, kite I lave men I pou kont li.
 - Swiv yon woutin chak jou ki pa chanje (maten, apremidi, lè dòmi).
-



Konsèy pou devlope ladrès sosyo-emosyonèl

- Pale de kesyon pataje sa w genyen ak lòt moun, tann tou pa w, itilizasyon langaj pozitif, solisyon pou problèm sosyal, epi montre egzanp tout bagay sa yo.
- Mennen pitit ou nan pak oswa nan lòt espas sosyal epi ankouraje I kominike avèk lòt timoun.
- Ede pitit ou pale de sa I santi, dekri sa I santi.
- Pale ak pitit ou de jan pou I suiv enstriksyon ak règleman sekirite lekòl la ka genyen pou jadandanfan.

SA KI PI ENPOTAN

Fè Iwanj pitit ou souvan lè ou wè li sèvi ak ladrès sa yo. Sa pral ranfòse **konfyans li gen nan tèt pa I** epi sa ap prepare li pou klas jadandanfan.



Kindègadenn nan lekòl leta Miami-Dade County yo

Èske ptit ou pral gen 5 an premye septanm oubyen anvan premye septanm? Si se sa, ptit ou pare pou li kòmanse nan kindègadenn avèk Lekòl Leta Miami-Dade County [ann angle, Miami-Dade County Public Schools (M-DCPS)] pou ane lekòl ki pral vini an.





Men fason pou w enskri pou kindègadenn nan Lekòl Leta M-DCPS

- Chache lekòl ki nan katye w la. Vizite Sant kote nou resevwa paran anliy nan sitwèb sa a showupmdcps.dadeschools.net pou w ka jwenn lekòl ptit ou kapab ale pou lòt ane lekòl la..
- Ale nan lekòl pou zòn lakay ou a.
- Pote pyès idantite, swa yon batistè, swa yon paspò, oubyen yon sètifikasi batèm.
- Bay 2 papye ki montre non w ak tout adrès ou - paregzanp: yon kontra lwave ak yon bòdwo kouran oswa dlo.
- Bay enfòmasyon sante ptit ou. Papye w ap bezwen bay yo se sa yo rele State of Florida School Entry Health Examination avèk Florida Certificate of Immunization.

M-DCPS ofri pwogram ansèyman espesyalize ak nouvo pwogram, chwa magnèt oubyen chwa lekòl, sèvis sante mantal ak sèvis pou elèv, opòtinite pou patisipasyon paran, ak lòt ankò pou elèv kindègadenn ansanm ak fanmi yo! Lè a rive pou w enskri ptit ou nan yon distri lekòl wot kalite.

Èske w te konn sa?

- Pousantaj elèv M-DCPS ki gradye pou ane lekòl 2019-2020 an te 89.6%.
- Pwofesè M-DCPS yo sètifye epi yo suiv kou resiklaj fòmasyon pwofesyonèl tout tan.
- Lekòl M-DCPS yo se lekòl ki resevwa akreditasyon òganizasyon AdvancED, ki vle di se lekòl ki devwe pou swen timoun piti, pou edikasyon yo, pou devlopman konesans yo epi pou devlopman kò yo.
- Sa M-DCPS bay priorite a pwoteksyon sante, epi a byennèt elèv yo ak anplwave yo.



Edikasyon elèv esepsyonèl [ann angle Exceptional Student Education (ESE)] pou elèv kindègadenn

Men kèk sèvis ansèyman espesyal nou bay nan kindègadenn:

- Sèvis enklizyon nan yon sal klas kote yo anseye tout kalite timoun pandan gen lòt moun k ap bay sipò oswa pandan kèk pwofesè anseye timoun yo ansam.
- Nou bay sèvis sa yo nan yon sal klas Sèvis Ansèyman Espesyal.

Se ekip Plan Ansèyman Endividiyèl elèv la Individualized Educational Plan (IEP) ki detèmine jan pou yo bay elèv la sèvis ansèyman espesyal yo. Anvan timoun nan antre nan kindègadenn, gen yon reyinyon pou prepare yon plan ki fèt avèk ekip IEP Prekindègadenn nan epi ak lekòl ki pral resevwa timoun nan. Se lè sa a ekip la detèmine ki sèvis ansèyman espesyal yo pral bay timoun kindègadenn yo.



Pwogram Magnèt pou elèv kindègadenn

M-DCPS gen 32 pwogram magnèt nan 22 lokal lekòl ki asepte elèv kindègadenn. Nan kindègadenn, pa gen okenn kondisyon pou yon elèv kalifye pou l'enskri nan youn nan pwogram sa yo. Paran ki enterese gen 2 opòtinite pou yo enskri ptit yo nan lekòl magnèt:

1. Peryòd nòmal enskripsyon vini chak ane ant premye oktòb a 15 janvye pou timoun antre nan kindègadenn nan pwochen ane lekòl la.
2. Fanmi ki gen timoun laj kindègadenn ki enterese enskri ptit yo nan yon pwogram magnèt apre peryòd nòmal enskripsyon an fin pase kapab enskri piti yo sou sitwèb www.miamimagnets.org apati 15 avril pandan peryòd enskripsyon fèmen pou magnèt. Peryòd sa a baze sou prensip moun ki vin anvan ap enskri anvan. Pandan peryòd enskripsyon nòmal la fèmen an, kantite plas ki disponib nan program magnèt la limite nan kèk lekòl.